

**RESOLUCIÓN REITORAL DO 6 DE XULLO DE 2015 POLO QUE SE DETERMINA A APLICACIÓN DOS PREZOS PÚBLICOS CORRESPONDENTES AOS ESTUDOS DE GRAO, MÁSTER E DOUTORAMENTO CURSADOS POLO ALUMNADO ESTRANXEIRO MAIOR DE DEZAOITO ANOS, QUE NON TEÑA A CONDICIÓ DE RESIDENTE, EXCLUÍDOS OS NACIONAIS DE ESTADOS MEMBROS DA UNIÓN EUROPEA E AQUELES A QUEN SEXA DE APLICACIÓN O RÉXIME COMUNITARIO**

A regulación dos prezos públicos e dereitos dos estudos conducentes á obtención de títulos de carácter oficial e validez en todo o territorio nacional ven establecida no artigo 81.3b) da Lei Orgánica 6/2001, do 21 de decembro, de Universidades, na redacción dada polo Real Decreto-Lei 14/2012, do 20 de abril, onde se determina que serán as Comunidades Autónomas quen fixarán os mesmos nas súas respectivas universidades. O mesmo artigo establece no seu apartado segundo que os prezos públicos poderán cubrir ata o 100% dos custes das ensinanzas universitarias de Grado e Máster cando se trate de estudantes estranxeiros maiores de dezaioito anos que non teñan a condición de residentes, excluídos os nacionais de Estados membros da Unión Europea e aqueles a quen sexa de aplicación o réxime comunitario, sen prexuízo do principio de reciprocidade.

En desenvolvemento de esta Lei aprobouse o Decreto 90/2015, do 18 de xuño, polo que se fixan os prezos correspondentes aos estudos conducentes á obtención de títulos universitarios de carácter oficial e validez en todo o territorio nacional no ensino universitario para o curso 2015/16. Nel establececese, no seu artigo 2 punto 5, que cada Universidade establecerá, por resolución reitoral, os prezos públicos referidos tanto para as ensinanzas de grado como de master e doutorado para aquel alumnado estranxeiro maior de dezaioito anos, que non teña a condición de residente, excluídos os nacionais de Estados membros da Unión Europea e aqueles a quen sexa de aplicación o réxime comunitario; este prezo público oscilará entre o 25% e o 100% do custo de referencia para cada un dos Epígrafes da Tarifa primeira do Anexo do devandito decreto. De acordo co Decreto esta resolución deberá motivar a decisión adoptada en base a aspectos formativos específicos e servizos complementarios ofertados a este alumnado.

Por outro lado, coa presente resolución deséxase incorporar á normativa da USC a modificación que introduzo o artigo 10 do novo decreto 90/2015, de 18 de xuño, en relación coas bonificación a que ten dereito o alumnado da Universidade de Santiago de Compostela que acadou unha ou varias matrículas de honra nos seus estudos.

Dada a situación macroeconómica actual, unha vez valoradas as posibles repercusión no contorno social e académico, en relación cos estudos de grao parece conveniente aplicar un prezo que cubra o 25% do custe de referencia establecido na disposición transitoria do Decreto 90/2015, polo que se fixan os prezos correspondentes aos estudos conducentes á obtención de títulos universitarios de carácter oficial e validez en todo o territorio nacional na ensinanza universitaria para o curso 2015/2016, para os estudantes estranxeiros maiores de dezaioito anos e non nacionais de Estados membros da Unión Europea ou nacionais de Estados ós que se lle aplica o réxime comunitario, tendo ademais en conta os recargos derivados da realización dunha segunda ou sucesivas matrículas por parte de aqueles alumnos que non superaron as materias das que se matricularon por primeira vez.

Pola súa banda, en canto ós estudos de máster , parece adecuado establecer para aqueles alumnos estranxeiros maiores de dezaioito anos e non nacionais de Estados membros da Unión Europea ou nacionais de Estados ós que se lle aplica o réxime comunitario, un prezo público non subvencionado e polo tanto que cubra o 100% do custo de referencia establecido na disposición transitoria do Decreto 90/2015.

Por último, e dados os custes que supoñen para a Universidade os **programas de doutoramento**, esta administración se ve na obriga de aumentar os prezos correspondentes os estudos conducentes á obtención do título de doutor establecida na Tarifa primeira do Anexo ao decreto 90/2015, do 18 de xuño, nun 100%, co obxectivo de nivelar os prezos a pagar cos custes reais de ditos programas e asemellarse así aos prezos públicos establecidos para a impartición dos programas de doutoramento noutras universidades públicas españolas.

En virtude polo tanto das razóns antes expostas e da competencia que lle atribúe o mencionado artigo 2º punto 5 do Decreto 90/2015, do 18 de xuño, polo que se fixan os prezos correspondentes aos estudos conducentes á obtención de títulos universitarios de carácter oficial e validez en todo o territorio nacional no ensino universitario para o curso 2015/16, esta REITORÍA,

**RESOLVE:**

**Primeiro.**

Establécense no ANEXO os prezos públicos correspondentes aos estudos de grao, máster, máster interuniversitario e doutor cursados polo alumnado estranxeiro maior de dezaioito anos, que non teña a condición de residente, excluídos os nacionais de estados membros da Unión Europea e aqueles a quen sexa de aplicación o réxime comunitario.

**Segundo.**

O prezo relativo ás ensinanzas de grao cubrirá o 25% do custe de referencia na disposición transitoria do Decreto 90/2015, dada a situación macroeconómica actual e as necesidades económicas da universidade. O referido prezo establécense no punto 1 do anexo á presente resolución e experimenta un incremento na segunda e sucesivas matrículas debido os recargos que son procedentes aplicar.

**Terceiro.**

O prezo relativo ás ensinanzas de máster cubrirá o 100% do custe de referencia establecido na disposición transitoria do do Decreto 90/2015. O referido prezo establécense no punto 2 do anexo á presente resolución. Este prezo poderá variarse por Resolución Reitoral específica para determinados máster interuniversitarios, a proposta das comisións académicas ou coordinadores, e para os efectos de poder ter o mesmo réxime de prezos no máster en todas as universidades.

**Cuarto.**

Os prezos públicos referentes as ensinanzas de doutoramento serán os establecidos no punto 4 do anexo da presente resolución en relación coa Tarifa primeira do Decreto de prezos para o curso 2015-2016, e serán aplicables para aqueles alumnos maiores de dezaoto anos, que non teñan a condición de residentes, excluídos os nacionais de estados membros da Unión Europea e aqueles a quen sexa de aplicación o réxime comunitario, e se incrementan co obxectivo de facer fronte a parte dos custes reais dos programas e asimilarse ós prezos que para este tipo de ensinanzas establecen a maioría das universidades españolas.

**Quinto.**

Non obstante o anterior, na liquidación de prezos aplicaranse, cando corresponda, os custes establecidos no acordo do Consello Social do 16 de abril de 2015, do Programa de Atención a Estudiantes de fóra a Unión Europea (PATEX).

**Sexto.**

Nas ensinanzas adaptadas aos EEES as bonificacións os que teña dereito o alumnado por haber conseguido unha ou varias matrículas aplicaranse a un número de créditos igual ao das materias nas que se obtivo a matrícula de honra só no caso de que se trate de continuación dos mesmos estudos. Dado que na USC non existen estudos de posgrao que sexan continuación dos estudos de grao, non procede aplicar esta disposición no curso 2015-16.

Santiago de Compostela, 06 de xullo de 2015

  
O REITOR  
  
Juan M. Viaño Rey

## ANEXO

1. Prezo público para as ensinanzas de grao para os alumnos estranxeiros maiores de dezaoto anos, que non teñan a condición de residentes, excluídos os nacionais de estados membros da Unión Europea e aqueles a quen sexa de aplicación o réxime comunitario.

	1ª Matrícula	2ª Matrícula	3ª Matrícula	4ª e sucesivas
<b>Epígrafe A)</b>	21,54€	29,84€	48,25€	61,51€
<b>Epígrafe B)</b>	15,21€	21,03€	34,03€	43,32€

<b>Epígrafe A)</b>	<b>Epígrafe B)</b>
Titulacións encadradas dentro da rama de Ciencias, CC Da Saúde e Enxeñaría de Arquitectura	Titulacións encadradas dentro da rama de Arte e Humanidades e CC. Sociais e Xurídicas

2. Prezo público para as ensinanzas de master para os alumnos estranxeiros maiores de dezaoto anos, que non teñan a condición de residentes, excluídos os nacionais de estados membros da Unión Europea e aqueles a quen sexa de aplicación o réxime comunitario.

	Prezo Total	Prezo por crédito
<b>Epígrafe A)</b>	5.170€	86,17€
<b>Epígrafe B)</b>	3.650€	60,83€

<b>Epígrafe A)</b>	<b>Epígrafe B)</b>
Titulacións encadradas dentro da rama de Ciencias, CC Da Saúde e Enxeñaría de Arquitectura	Titulacións encadradas dentro da rama de Arte e Humanidades e CC. Sociais e Xurídicas

3. Prezo público correspondente aos estudos conducentes á obtención do título de doutor:

Titoría anual de doutoramento	400€
-------------------------------	------